

CBETA電子佛典集成

CBETA Chinese Electronic Tripitaka Collection
eBook

T20n1138b

金剛祕密善門陀羅 尼經

失譯

目次

- [編輯說明](#)
- [章節目次](#)
- [卷目次](#)
 - 001,
- [贊助資訊](#)

編輯說明

- 本電子書以「CBETA 電子佛典集成 Version 2023. Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

如是我聞：

一時世尊安住菩提樹下，與大弟子舍利弗、目犍連等而為上首；復有無量諸大菩薩摩訶薩，其名曰金剛幢菩薩、金剛藏菩薩、彌勒菩薩，賢劫大士亦為上首。爾時金剛密迹菩薩承佛威神發如是言：

「惟願世尊分別演說善門陀羅尼，當為世間作大照明，除滅怨害惡友毒心，若天、龍、夜叉、羅刹、鳩槃荼、人及非人、諸大鬼神、噉人精氣、左道蠱毒、怨家詐諂、伺人短者，如是無有救護之處，如來大慈當為除滅怖畏等事，安止眾生於清淨地，行住坐臥乃至夢中，常當守護不令憂惱。有是利故，我今勸請大悲調御當為說之，亦當救護大乘人心，令其堅固功德智慧不退之行，悉除怨害命不中夭。」爾時金剛密迹菩薩勸請佛已，瞻仰尊顏心有顧念。爾時世尊大悲導師，發大雷音聲遍世界，讚歎密迹菩薩：「善哉善哉！善男子！汝今真是菩薩之人，能為眾生得安樂故發如是問。我今亦為一切眾生，當說此善門陀羅尼。」爾時密迹喜未曾有，惟願矜愍善分別之。於時世尊告大士言：「諦聽諦聽，善思念之，吾當為汝演暢其義。」密迹言：「唯然受教。」即說呪曰：

「多經他 漚究牟究 摩比尼 摩陀尼 槃羅遮 吟那休 休休
利 跋多 莎訶」

爾時世尊說此灌頂陀羅尼已，復更宣說陀羅尼句：

「多經他 跋闍 跋闍 跋闍達梨 跋闍波沘 跋闍毘沘 跋闍大
地 遮迦羅跋時 遮迦羅達梨 達梨 達梨 跋梨 牟梨 遮隸
休休利 波伽 頻毘梨 梨梨尼留留志 遮梨 周梨 牟梨 曼荼
梨」

「此持名善能除滅一切過惡，亦除一切四百諸疾，復能令人命不中夭。」

「多經他 摩荼尼 伽伽羅尼 牟荼尼 僧波羅 牟荼尼 那奢
尼 那奢尼 那奢尼 婆陀尼 蚩真兜 蚩真兜 毘梨 摩梨呵多
尼 跋梨婆梨 婆地毘 地毘梨留娑梨 奢羅寧羅和寧 羅和那荼
蛇 跋羅摩遮梨那 伊陀羅婆沘 地地羅蛇尼 那無摩 醯奢婆
羅 梨師婆摩呼尼 波波闍摩呼尼 迦羅婆地 呼施婆地 蘇摩婆
沘 蘇摩婆羅鞞莎呵 多經他呵羅呵羅 希羅伊大摩婆遮婆伽婆莎
呵 迦經多阿菟那 阿梨闍婆尼 迦伽大尼 阿多荼呵尼 末伽
毘 盧呵尼 休娑婆沘 呼娑婆沘 希利希利蛇他時蛇他祁尼 蛇
他波蘭遮 蛇他婆焰 蛇他婆嵐 蛇他希利耽 莎訶」

爾時世尊說此金剛祕密善門陀羅尼，欲令人天獲大饒益，永離苦難常處安樂。「如是持者，過去諸佛已說教化，未來今佛亦共宣說。」佛告金剛密迹菩薩：「善男子大悲愍念一切眾生故，我今說之。」爾時世尊說此持時，於其肉髻無見頂上出大人相光照明赫奕，遍照十方無量世界。時諸佛土亦復自然涌出光明艷色希有，殄滅一切所有幽冥。時十方人天異類咸覩是相，生希有心，皆作此念：「有何因緣而現是相光遍世界？」爾時諸佛告眾會曰：「善男子！諦聽。有佛世界名曰娑婆，佛號釋迦牟尼如來，大悲憐愍一切眾生令安樂故，說是善門陀羅尼。」是時眾會聞其佛說釋迦威德力，皆同發聲讚歎：「釋迦！希有善哉！能於娑婆生大悲心，為安天人故說是持。此持希有，乃是無相真實智慧之所宣說，我等願樂勤修行之。得是持已，亦當如是出生大悲教化眾生。」諸佛讚言：「善哉善哉！善男子！欲行此善門陀羅尼者，常於晨朝嚙木澡漱，燒香散華攝心讀誦，不令馳騁於諸境界。所以者何？此持乃是三世諸佛持說教化，汝等應當憶念如說修行。五辛酒肉所不經口，梵行居心除捨緣務，於寂靜處然後讀誦，能令行者得大功德無邊智慧。欲行善門陀羅尼者，當發誓願，乃至成佛莫令廢忘，恆於晨朝讀之一遍。若求現願，七日七夜勤而行之，無不果遂；惟除過去有重罪者，於今少時不能令盡，其餘諸業無不除滅，修一切諸善乃至涅槃，悉皆能得具足二十功德之利。何等二十？所謂長命盡壽、名稱資生、色力無病、勇猛精進、諸佛護念、其心調柔、諸天護助、願行善行、思甚深義、精勤不怠、光顏怡悅、相好具足、辯才無畏、增滿善根。是故世尊說此金剛祕密深奧善門陀羅尼。汝應憶念至誠修行。所以者何？如此持者，於諸持中最高為吉祥。」

爾時金剛密迹菩薩白佛言：「世尊！我今愍念擁護一切眾生，令得安樂除諸哀惱，不令諸惡得其便也。」

「多經他 尼企尼企 志志志志 娑婆娑婆 留留留留 時時時
時 迦羅 迦羅 迦羅 迦羅 希利 希利 希利 希利 破破破
破 摩摩摩摩 呵那 呵那 呵那 呵那 大呵 大呵 大呵 大
呵 婆窣 阿伽耶 希帝利 莎呵」

爾時世尊讚金剛密迹言：「善哉善哉！大士！乃能說此大威神呪擁護一切，皆得安隱益其精氣，不令諸惡人非人奪其精氣者得其便。」

爾時大梵天王及諸眷屬即從座起，偏袒右肩，合掌白佛言：「世尊！我今亦欲隨喜佐助受持讀誦善門陀羅尼者，增長眾生壽命色力、除其衰患，使無伺求得其便者。惟願世尊加哀護助，得如所願。」

「多經他 希利 彌利 泆利 莎呵 跋嵐 阿摩 富梨 莎呵
跋嵐 摩卑 婆羅 羯擗 弗波僧多梨 莎呵」

「若有善男子善女人欲行此持者，常於晨朝清淨澡漱已至心讀誦。」

爾時釋提桓因即從座起，偏袒合掌白佛言：「世尊！我今亦欲擁護一切眾生，不令諸惡人非人奪精氣得其便也。」即說陀羅尼句：

「多經他 毘尼婆羅尼 婆大羅摩陵持 控致置 瞿梨乾陀梨 婆羅摩羅泆 呵那摩耽多羅尼 大羅摩利尼 遮迦羅婆翅 睽婆梨 睽婆梨 莎呵」

「行呪此法，常於晨朝清淨已至心讀誦。」爾時四天王即從座起，偏袒右肩合掌向佛而作是言：「我等亦欲擁護一切眾生，不令諸惡人非人伺其惡者得其便也。」

「多經他 弗羆修弗羆 頭摩波梨呵離 阿利夜波羅泆 羶泆涅目泆 末伽梨多兜泆兜 莎呵」

「此呪常於晨朝清淨已至心讀誦。」爾時釋迦牟尼佛即舉右手讚歎梵、釋、四天王言：「善哉善哉！汝等善能宣說諸佛所持陀羅尼句。」爾時世尊告金剛密迹菩薩：「善男子！若有得聞善門陀羅尼心無疑惑，能於晨朝清淨三業已至心讀誦，所得功德不可稱計。」
金剛祕密善門陀羅尼經

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
